



Ura e lavura  
Dieus tei gida lura

## **Martina Venzin, Rueras**

21.11.1921 – 16.02.2007

Ils zenns dalla baselgia Sogn Giachen a Rueras e Sogn Vigeli a Sedrun han annunziau a nus tut nunspitgadamein la mort da nossa cara onda Martina. Suenter ina cuorta maldispostadad ha il Signur sur veta e mort clamau sia survienta Martina a casa ella perpetnadad tiels ses.

Sia veta ei stada lavur ed oraziun per vivs e morts. En ses giuvens onns sco buobetta da mo quater onns, el ravugl cun sias soras e sia mumma, han ellas stuiu gia baul prender cumiau da lur car bab.

Il bab ei morts bia memia baul per la giuvna famiglia.

Suenter haver passentau las scolas a Rueras, era ei vegniu da segidar cun sia mumma sco quei ch'ella sezza ha menziunau. Far la pura tochen ch'il quinau Stiafen cun la consorta Catrina, nossa sora (nies bab e nossa mumma) ein vegni da Mustér per gidar las femnas el puresser.

Ussa ha l'onda Martina giu empau dapli temps per ella. Sco gidontra tiels vischins ha ella tgirau e gidau bia malsaus. Mo era tiels ses ha ei dau bia da far. Cul Silvio, nies frar, siu nevs ha ella fatg aschi bien e giu grond quitau dad el tochen la mort. Tut quei ha duvrau bia forza da dar il sustegn a tut quels stempraus ch'ein i ad ella sperasvi. Ina gronda pissiun, e plitost lavurs dils meins d'unviern ei stau il teisser. Ensemen cun sia sora Johanna han ellas tessiu bia caussas, teppi e cozzas ch'ein aunc oz en bia casas tuatschinas da contemplar. Cheutras vegnevan elllas numnadas las tissunzas da Rueras.

Nossa onda Martina ha adina saviu cargar sias forzas cun esser el liber, tiel muvel dil Silvio. A Selva tier Nossadunna ch'ella teneva fetg ault han ella e siu nevs Silvio, nies frar anflau bia refugi, urau e cantau han els adina bugen. Per nus tuts ha l'onda dau bia exempels per nossa veta.

Sia gronda pissiun ei stada igl iert sper casa, leu en siu pign paradis denter sias flurs eis ella stada il pli bugen. Cheu ha ella era giu peda per dar ina u l'autra paterlada culs vischins. Sia raccolta da flurs han ins saviu contemplar a casa ni era sin las fossas da nos perdavons, ch'ella ha adina cun bien maun giu grond quitau. Igl iert ei stau il crap da scarpetsch per nossa onda. L'onda Martina ha gl'atun 2005 piars la ballontscha e ruclada ed ha rut in schui. Lu eis ella veginida transportada en spital a Glion per schar metter en uorden quella caussa. Sia veta ha priu ina nova via per l'onda Martina. Suenter quei discletg ha ella stuiu prender dimora a Sedrun en casa Sogn Vigeli. Leu eis ella veginida prida si bein, ei stada fetg cuntenta cun sia nova situaziun. Aunc ina gada grond engraziament al menader dalla casa sco era al persunal che han fatg aschi bien cun l'onda Martina.

Cura ch'ella ha sentiu che sias forzas schevan suenter scheva ella adina puspei: Buca temei sche jeu mierel jeu sundel schon pinada, selegrei, il Segner ei cun nus. Nus havein astgau cumpignar nossa cara onda Martina tochen alla fin da sia veta ec essen fetg engrazieivels per tut il bien ch'ella ha fatg per nus.

In grond Dieus paghi e sin seveser sin l'auter mund.